

Universitäts- und Landesbibliothek Tirol

Franz Schweyger's Chronik der Stadt Hall

Schweyger, Franz

Innsbruck, 1867

Anno 1447. Ain abschriftt ainer alten stat ordnung, so herzog Sigmund nach der grossen stat prunst geordnet hat im 1447 jar geschehen

unser lieben frauen kirchen andechtig zue geen und alda ingedenkt sein der straf gottes, so ditzmal geschehen sey.

In diser prunst ist ain ansehlicher, reicher burger, genant Hanns Plafues, als er hat seinem vatter Symon geholfen, das pöst zue versorgen, ist er den langen graben hinab geloffen und fliehen welln; wie er ist komen mittlat seiner stiefmueter haus (yetz der burger drinkstuben), hat er umbgeschauet, ob der vatter nacher kâm, in dem war von dem yetzpenenten haus etlich feuerin traum herabgefallen, hett es im ain pain abgeschlagn, das er fallen moest, in dem war im das feuer ins haar und in die padpfait kumen, (dan er war des tags zue padt gewesen), das er an stat verprent und dot plib. Wie aber sein vatter Simon Plafues nach in kam und seinen sun sach so elendiglich da dot ligen, ist er so seer erschrocken, das er vor layd gleich erstanden, derhalben in das feuer zu nahend ist komen, das man in kaum hat pracht in das spital. Ist am palmtag darnach [2. April] in gott verschiden, und paid pegraben pein ainander vor sant Maria Magdalen capelln. Es ist auch in diser prunst in gott verschiden Caspar Fueger, Benedict Getzner etc.

Lengs markt.

Den nagstn jarmarkt nach Georgi hat man der prunst halben die jarmarkt und kramer hütten und stânt under der schupfen (jetz genant das gwelb, unders saltzmairs wonung, da die salzvässer under ligen) aufgericht, darunder die kaufleut ier war haben verkauft

Anno 1447. Ain abschrift ainer alten stat ordnung, so herzog Sigmund nach der grossen stat prunst geordnet hat im 1447 jar geschehen.

Nota. Von unserm gnedigen herren herzog Sigmund zue richter gesetzt Christof Sigwein und im zu hilf in rat zuegesetzt durch unsers gnedigen herren rat und kinigs Friderichn, herrn Wolfgangs von Freuntsperg, benenntlich

Sigmund Oelkopf,
Hainrich Haussman,
Ambrosi Hamerspach,
Hanns Fueger,